



Universitätsbibliothek Paderborn

Metropolis Salisvrgensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Catalogus Praelatorum huius Monasterij alius exhiberi non potest,
praeterquam qui sequitur.

urn:nbn:de:hbz:466:1-13591

Catalogus Prælatorum huius Monasterij alias exhibe-
ri non potest, præterquam qui sequitur.

Ioann. Hryn, gubernauit an. 1496.

Ioann. Coci, an. 1508.

Augustinus Hohenleutner, an. 1550.

Georg. Sedlmayr, an. 1561.

Wolfgangus Puecher, an. 1607.

Christophorus Elvanger, modernus Præpositus.

S C H L I E R S.

DE institutione & fundatione huius Monasterij, ordinis Canonicorum Regularium, ad lacum Schliers, inter Oenum & Mangualdum flumina ad radices alpium situm, scribit Auent, in suis Annalib. lib. 3. fol. 303. Adalund, Hildeuald, siue Hiltbold, Odacer, Gariovalda, siue Gariobald, Antonius, claris orti natalibus, ad Sylurnum lacum, Monachis aeris, hoc est, Benedictinis templum ædificârunt, Aribō Episcopus Frisingensis dedicauit, Berchtoldum juris diuini consultum ipsis Patrem dedit, & hoc sub Tessalone, Duce Bauariæ, circa Annum Domini 760. De hac fundatione scriptum reperio in libro magno traditionum Frisingæ, cuius stylus non omnino congruus est, &c. Regnante in perpetuo Domino nostro Iesu Christo; Ego itaque in Dei nomine Adalunc simul cum fratribus nostris, nomine Hiltipalt seu Kerpalt, nec non & Antonij, siue Otakir, inspirante diuina gratia, secularia negotia deserentes, locum nobis elegimus de communi hæreditate nostra, siue parentum nostrorum in vasta solitudine Eremi, qua dicitur Schliersee, & ibidem, adiuuante domino Deo nostro, cellulari more solito construximus. Nam & oratorium cum consensu Episcopi Dñi Aribonis ædificauimus, deinde aduocante predicto Episcopo ad consecrandam predictam Ecclesiam ita factum est. Deinde sub ditione ipsius Episcopi nos metipos commendauimus per omnia, & inde de manu Episcopali electum nobis Magistrum, virum venerabilem, nomine Berchtcol, in nostro suscepimus Magisterio, deinde post biennium complacuit fratribus eligere predictum Berchtcol ibidem Abbatem per consensum fratrum, adduximus eum ad predictum Episcopum, juxta ordinem regulae S. Benedicti, electum ordinavit & nobis posuit Abbatem. Ideoque decernimus cum consensu ipsius predicti Episcopi nostri, ut secundum autoritatem S. Benedicti regulam regerent, & ibidem regulariter de ipsis fratribus sibi metipsi eligerent Abbatem, ipso ordinante Episcopo de domo S. Mariæ. Si ibidem forsitan defuerint tales intra ipsis fratres, de domo Episcopali eligant Abbatem, ordinante Episcopo. Actum in predicto Monasterio Schliersee, sub die consul. quod fuit 12. Calend. Februar. Indict. XII. regnante Dño Tassilone, anno 32. Et ipsi subscripti fratres inuicem testes extiterunt. Hos fundatores puto fuisse familia Waldecensem Dñorum, tametsi enim hoc Monasterium, cum aliis plerisque, circa Annū 907. per Vngaros vastatum, per Ottomem Epum Frisingen. cum fratre Heinrico, Duce Bauariæ, ex familia Leopoldorum Austriaeorum Marchionum, vnde cum aliis Monasteriis Bauariæ, circa Annum 1140. restauratum sit, translatis eō Canonicis regularibus, nihil tamen præcipui contulerunt, ut puta qui in Bauaria nihil propri habebant, atque ibi modico tempore regebant, vnde pro fundatoribus huius Monasterij non habendi, sed potius Dñi Waldecenses.

P R O.